

3. gr.

Mál sem byggingarfulltrúi afgreiðir samkvæmt samþykkt þessari skulu lögð fram til kynningar á næsta fundi í umhverfisnefnd og bókuð í gerðabók nefndarinnar, en ekki tekin þar til annarrar afgreiðslu, en skulu hljóta afgreiðslu bæjarstjórnar með sama hætti og aðrar bókanir umhverfisnefndar. Í gerðabókinni skal koma fram nafn umsækjanda, um hvað er sótt, og hvernig afgreiðslu málið fékk hjá byggingarfulltrúa.

Synji byggingarfulltrúi erindi skal hann gera hlutaðeigandi grein fyrir því með skriflegum rökstuðningi. Í slíkum tilfellum skulu líða a.m.k. 14 dagar þar til hann leggur málið fram í umhverfisnefnd.

4. gr.

Um afgreiðslu byggingarfulltrúa gilda eftir því sem við á, ákvæði skipulags- og byggingarlagla nr. 73/1997, með síðari breytingum.

5. gr.

Telji einhver rétti sínum hallað með afgreiðslu byggingarfulltrúa eða byggingarfulltrúi synji að afgreiða erindi, er honum heimilt að skjóta máli sínu til umhverfisnefndar innan 14 daga frá því honum er kunnugt um afgreiðslu byggingarfulltrúa, og fer um meðferð kærumála skv. skipulags- og byggingarlögum nr. 73/1997, með síðari breytingum, og skv. stjórnarsýslulögum nr. 37/1993.

Enn fremur er hægt að skjóta málinu til úskurðarnefndar í skipulags- og byggingarmálum, sbr. 8. gr. og 4. mgr. 39. gr. skipulags- og byggingarlagla.

6. gr.

Ofangreind samþykkt bæjarstjórnar Ísafjarðar staðfestist hér með samkvæmt 1. gr. laga nr. 117/1999, um breytingu á skipulags- og byggingarlögum nr. 73/1997, með síðari breytingum, til þess að öðlast gildi þegar í stað.

Umhverfisráðuneytinu, 2. mars 2000.

F. h. r.

Ingimar Sigurðsson.

Smári Þorvaldsson.

SAMÞYKKT

um sorphirðu í Fjarðabyggð.

I. Almenn ákvæði.

1. gr.

Sveitarfélagið Fjarðabyggð annast sorphirðu og sorpförgun frá öllu íbúðarhúsnæði í sveitarfélaginu og sorpförgun frá atvinnuhúsnæði. Frá atvinnuhúsnæði er einnig hreinsaður kaffistofuúrgangur. Unnt er að semja um aðra sorphirðu frá atvinnurekstri.

Bæjarstjórn er heimilt að fela öðrum framkvæmd sorphirðu. Þeir aðilar skulu hafa starfsleyfi heilbrigðisnefndar eða Hollustuverndar ríkisins eftir því sem við á.

2. gr.

Sorphirða og förgun skal framkvæmd undir yfirstjórn Sorpsamlags Mið-Austurlands í umboði sveitarstjórnar og eftirliti heilbrigðisnefndar Austurlands. Skal stjórn Sorpsamlags-

ins sjá um samskipti við þá aðila, sem að því koma, s.s. vegna móttöku spilliefna, meðferðar landbúnaðarplasts og brotajárnshirðu.

3. gr.

Húsráðendum, forsvarsmönnum fyrirtækja eða stofnana á starfsvæði Sorpsamlags Mið-Austurlands er skylt að nota þær aðferðir og ílát við sorpgeymslu og hreinsun sem bæjarstjórn í samráði við heilbrigðisnefnd, ákveður.

Sorpílát skulu fest með búnaði sem samþykktur er af Sorpsamlagi Mið-Austurlands . Sorpgeymslur skulu vera aðgengilegar fyrir sorphirðumenn og standa sem næst aðkomu að lóð. Þær skulu staðsettar saman ef um fjölbýlishús er að ræða.

Húsráðendur skulu halda ílátum hreinum og hreinsa snjó frá sorpgeymslum og sorpílátum þegar þarf, til að halda ávallt greiðfærri leið að þeim.

4. gr.

Í sorpílát má aðeins setja neysluúrgang, þ.e. venjulegt heimilissorp, í samræmi við nánari fyrirmæli sem kunna að verða sett um flokkun úrgangs.

Óheimilt er að láta garðaúrgang, jarðvegsefni og brotajárn í sorpílát og gáma. Jarðvegsefnum, þ.m.t. grjóti eða múrbroti, skal komið fyrir á sérmerкта losunarstaði.

Spilliefnum, lyfjum og öðrum hættulegum úrgangi skal skilað í móttökustöð, sem rekin er á vegum Sorpsamlags Mið-Austurlands.

Glerbrotum og öðrum oddhvössum hlutum, sem hætta er á að skaði þá sem meðhöndla úrgang eða sorpílát, skal pakkað inn eða gengið frá þeim á annan tryggilegan hátt.

Gæta skal þess að fylla ekki sorpílatin meira en svo að auðveldlega megi loka þeim. Húsráðandi getur beðið um að ílátum sé fjölgað og greiðir þá aukagjald sem af fjölgun hlýst.

5. gr.

Gámar, sem almenningur á aðgang að, skulu staðsettir á aðgengilegum stöðum.

6. gr.

Sorphreinsun almenns heimilissorps fer fram eigi sjaldnar en á 14 daga fresti. Stjórn Sorpsamlags Mið-Austurlands, í umboði bæjarstjórnar, ákveður í samráði við heilbrigðisnefnd og verktaka hversu oft sorphreinsun fer fram.

II. Gjaldtaka vegna meðhöndlunar úrgangs.

7. gr.

Bæjarstjórn er heimilt að innheimta sorphirðu- og sorpförgunargjöld á vegum bæjarins samkvæmt gjaldskrá sem sett er samkvæmt 5. mgr. 25. gr. laga um hollustuvernd og mengunarvarnir nr. 7/1998, með síðari breytingum, að fenginni umsögn heilbrigðisnefndar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlits með einstökum þáttum. Gjöld skulu lögð á hverja fasteign, stofnun eða fyrirtæki sem nýtur framangreindrar þjónustu. Sveitarfélagið skal láta birta gjaldskrána í B-deild Stjórnartíðinda.

III. Ýmis ákvæði.

8. gr.

Hafi húsráðandi fram að færa kvörtun vegna sorphirðu skal hann koma slíkri kvörtun á framfæri til framkvæmdaáðila verksins. Telji viðkomandi sig ekki fá fullnægjandi úrlausn hjá sveitarfélaginu, getur hann skotið málinu til heilbrigðisnefndar.

9. gr.

Óheimilt er að skilja eftir eða geyma rusl, garðaúrgang og sorp á víðavangi, götum, gangstígum eða fjörum í sveitarfélaginu. Sama á við um númerslausa bíla, vélar og önnur tæki.

10. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998, með síðari breytingum.

11. gr.

Ofangreind samþykkt sveitarstjórnar Fjarðabyggðar staðfestist hér með samkvæmt 25. gr. laga nr. 7/1998, um hollustuhætti og mengunarvarnir, með síðari breytingum, til þess að öðlast þegar gildi.

Umhverfissráðuneytinu, 3. mars 2000.

F. h. r.

Ingimar Sigurðsson.

Sigríður Stefánsdóttir.

SAMÞYKKT

um hundahald í Bessastaðahreppi, Garðabæ, Hafnarfirði og Kópavogi.

Almennt.

1. gr.

Hundahald er takmarkað í lögsagnarumdæmi Bessastaðahrepps, Garðabæjar, Hafnarfjarðar og Kópavogsbæjar með skilyrðum samkvæmt samþykkt þessari.

2. gr.

Heilbrigðiseftirlit Hafnarfjarðar- og Kópavogssvæðis í umboði heilbrigðisnefndar sér um skráningu og annast framkvæmd og eftirlit með hundahaldi á eftirlitssvæðinu og getur það leitað aðstoðar lögregluþingvalda, þegar þörf krefur.

3. gr.

Sveitarstjórnir láta merkja ákveðin svæði þar sem ekki má vera með hunda, einnig skal merkja svæði þar sem sleppa má hundum lausum innan afmarkaðs svæðis. Slíkar merkingar skulu gerðar í samráði við heilbrigðisnefnd Hafnarfjarðar- og Kópavogssvæðis.

Skráning.

4. gr.

Allir hundar sem haldnir eru á eftirlitssvæðinu eru skráningarskyldir. Skylt er að sækja um skráningu hunds til Heilbrigðiseftirlitis Hafnarfjarðar- og Kópavogssvæðis eigi síðar en mánuði eftir að hann er tekinn á heimili og hvolpa eigi síðar en 4 mánaða gamla. Dveljist hundur tímabundið á eftirlitssvæðinu er heimilt að skrá hann til bráðabirgða, sem gildir þó aldrei lengur en 3 mánuði.

Hund skal skrá á nafn lögráða einstaklings og heimilisfang þar sem hundurinn er haldinn og er framsal óheimilt. Skrá skal heiti, fæðingardag, kyn, tegund og önnur einkenni hundsins.